

活人慈航

襍症集
腋卷
式

龍虎集腋
嶺式

回鑾記

家藏袖珍活人慈航雜症集腋卷二目錄

欬嗽

肺癰

喘促

氣短

哮喘

肺脹

逆氣

少氣

痰飲

痞

嘔吐

噎膈

漏氣

走哺

吐衄

反胃

噦 卽打呃

噫氣

嘈雜

吐利

霍亂

關格

臭毒

三消

泄瀉

痢疾

小便不通

二便不通

痢後風

淋 小便數 不禁 遺溺

秘結

脫肛

穀道瘻痛

交腸

痔瘡

腸鳴

小便黃赤

遺精 強中

赤白濁

前陰病 陰縮 陰縱 陰痿

家藏袖珍活人慈航第貳卷

仁集下

福建汀州府長汀縣監生鄭

諱

玉成字紹宗

號

直方餘輯

邑庠生

男

汝恭謹鈔

雜症集腋卷二

欬嗽

內經肺之令人欬何也曰五臟六腑皆令人欬非獨肺也

皮毛者肺之合也皮毛先受邪氣邪氣以從其合也其寒

飲食入胃從肺脉上至於肺則肺寒肺寒則內外合邪因

而客之則為肺欬五臟各以其時受病非其時各傳以與

之人與天地相參故五臟各以治時感於寒則受病微則

為欬甚則為泄為痢乘秋則肺先受邪乘春則肝先受邪

乘夏則心先受邪乘至陰則脾先受邪乘冬則腎先受邪

肺欬之狀欬而喘息有音甚則唾血心欬之狀欬則心痛喉中介介如梗狀甚則咽痛喉痺肝欬之狀欬則兩脇下痛甚則不可轉轉則兩胛下滿脾欬之狀欬則右胛下痛陰陰引肩背甚則不可以動動則欬劇腎欬之狀欬則腰背相引而痛甚則欬涎五臟之久欬乃移於六腑脾欬不已則胃受之胃欬之狀欬而嘔嘔甚則長魚出肝欬不已則膽受之膽欬之狀欬嘔膽汁肺欬不已則大腸受之大腸欬狀欬而遺失心欬不已則小腸受之小腸欬狀欬而遺溺久欬不已則三焦受之三焦欬狀欬而腹滿不欲食飲此皆聚於胃關於肺使人多涕唾而面浮腫氣逆也秋傷於溼冬生欬嗽欬嗽上氣厥在胸中過在手陽明太陰邪在肺則病皮膚痛寒熱上氣喘汗出欬動肩背一陽發病少氣善欬善泄邪客於足少陽之絡

令人脇痛不得息欬而汗出

勞風法在肺下其為病也使人強上冥視唾出若涕惡風而振寒此為勞風之病治之以救俯仰巨陽引引精者三日不精者七日欬出青黃涕其狀如膿大如彈丸從口中若鼻中出不出則傷肺傷肺則死也醫通註人勞力則肺氣脹滿俞穴大開而汗泄斯時感冒風邪乘其俞穴之開直入肺下少頃俞穴仍閉其邪有入無出鬱閉不通而生痰聚飲流入膺胸肩背經絡竅隧之中故使人強上冥視身半已上為風所中而胸背強戾但可仰臥而不能俯邪害空竅目睛反戾半開不動不能視物也唾出若涕者痰飲上溢之徵也惡風振寒者肺氣受困木邪反肆為虐也今邪在肺下逼近胃口既不得從表而解又非實熱燥結可攻而除必借膀胱陽氣上吸胸中使鬱閉之邪痰從上

解散本平天者親上故涕從口鼻而出其色青黃其狀如
膿者風邪挾肝膽而乘脾胃之候也大如彈丸者久塞肺
竅之結痰也設不急治則傷肺而死矣故治此當使巨陽
之上引則肺氣清肅下行風邪痰涕方得上出邪氣入深
深治雖得當精壯之人亦必服藥三日不精壯之人須五
日惟宜小青龍湯加石膏桂枝二越婢一湯為合宜按此
加減雙解散合宜已上邪實

欬嗽煩寃者是腎氣之逆也少陰所謂嘔欬上氣喘者陰

氣在下陽氣在上諸陽氣浮無所依從故嘔欬上氣喘也

秋脉不及則令人喘呼吸少氣而欬上氣見血下聞病

音 刺中肺三日死其動為欬足腎虛肺虛

金匱欬逆倚息不得臥小青龍湯主之支飲最為欬收振底能引
外邪可入能引陰火可上 青

龍湯汗已多圭口燥十凍沉尺脉微手足厥逆氣從少腹

上衝咽手足痺其面翕熱如醉狀因復不流陰股小便難

時復冒者與桂苓五味甘草湯治其衝氣

腎虛不能固守於下則衝任之火上逆多噦上溢

口燥津傷寸沈尺微手足冷衛陽損耗手足痺榮虛時復冒飲盛也桂枝茯苓開太陽之表裏五味固腎甘草緩中

衝氣即底而反更欬

胸滿者用桂苓五味甘草湯去桂加乾薑細辛以治其欬

滿因水在胸間不散也病在胸不在太陽故去桂枝用味薑平苓甘治欬滿在胸痰飲也

欬滿即止而更復渴衝氣

復發者以細辛乾薑為熱藥也服之當遂渴而渴反止者

為支飲也支飲者法當冒冒者必嘔嘔者復內半夏以去

其水

水去則渴今渴反止支飲未去故頭眩昏冒眩暈而嘔吐為水飲故加半夏

水去嘔止其形腫者加杏仁

主之其症應內麻黃以其人遂痺故不內之若逆而內之

必厥所以然者以其人血虛麻黃發其陽故也

形腫者水在表也麻黃發汗傷榮

血榮衛在太陽汗出必亡陽厥冷也

若面熱如醉此為胃熱上衝薰其面加大黃

以利之

面赤如醉煩似戴陽面赤不可攻然服過細辛乾薑確非表陽鬱乃胃熱上衝用大黃以泄胃熱

按此前後攻之法

決法

桂枝

久欬數歲其外弱者可治實大數者死其脉虛者必苦冒其
人本有支飲在胸中故也治飲家

欬而脉浮者厚朴麻黃湯主之脉沈者澤漆湯主之

欬逆上氣咽喉不利止逆下氣者麥門冬湯主之

欬而上氣喉中水雞聲射干麻黃湯主之

問曰熱在上焦者因欬為肺痿肺癰之病從何得之師曰或
從汗出或從嘔吐或從消渴小便利數或從便難又被快
藥下利重亡津液故得之曰寸口脉數其人欬口中反有
唾濁涎沫者何師曰為肺痿之病若口中辟辟燥欬即胸
中隱隱痛脉反滑數此為肺癰欬唾膿血

師曰脉數虛者為肺痿數實者為肺癰

欬逆上氣時時唾濁但坐不得眠皂莢丸主之
上氣面浮腫肩息其脉浮大不治又加芩元芩

欬而上氣此為肺脹其人喘目如脫狀脉浮大者越婢加半夏湯主之

上氣喘而躁者屬肺脹欲作風水發汗則愈

肺脹欬而上氣煩躁而喘脉浮者心下有水小青龍湯加石膏主之

脉訣欬多浮聚肺關胃沈緊小危浮濡易治喘急息肩浮滑者順沈瀹肢寒散脉逆症

醫通欬嗽之脉浮為風緊為寒洪數為熱濡細為溼尺內

弦緊為房勞陰虛右關濡大為飲食傷脾左關弦數

為傷肝右寸浮大為肺實寸口遲瀹為肺寒欬嗽

洪滑為熱痰弦瀹為少血沈數為實熱瀹為房勞

肺脉微急為欬唾血脉來洪數形瘦面赤腎臟衰

而聲啞者不治

久病喘嗽左側不能臥者為肝傷若精力未衰者可口邊

不能臥者為肺損無問新久皆不可治久嗽脉弱者生

實大數者死咳嗽形羸脉堅大者死沈緊及伏匿者死

浮直者可治浮軟者易治

欬而脫形身熱脉疾不過五日死欬溲血形肉脫脉搏者

死欬嘔腹脹且飧泄其脉絕不及一時而死欬而嘔

腹滿泄瀉脉弦急欲絕者死

論治

邵新甫云欬為氣逆嗽為有痰內傷外感之因甚多確不離乎肺臟為患也若因於風者辛平解之因於寒者辛溫散之因於暑者為薰蒸之氣清肅必傷當與微辛致涼苦降淡滲俾上焦蒙昧之邪下移出腑而後已若因於濕者有兼風兼寒兼熱之不同大抵以理肺治胃為主若因火燥

則俞嘉言之謂最精若因於火者即溫熱之邪亦以甘寒為主但溫熱初起用苦辛涼味比欲燥而絕不用苦辛化燥也至於內因為病不可不速一分之有剛亢之威木叩而金鳴者當清金制木佐以柔肝入絡若土虛而不生金真氣無所稟攝者有甘涼甘溫二法合乎陰土陽土以配剛柔為用也有因水虛而痰泛元海竭而諸氣上衝者則有金水雙收陰陽並補之治或大劑滋填鎮攝係固先天元精至於飲邪發動亦能致嗽另有柴門兼參可也以上諸法皆臨症權衡之治

仁齋直指云感風者鼻塞聲重傷冷者懷清快寒挾熱為焦煩受溼為纏滯痰血則膈間悶悶停水則心下怔忡或實或虛痰之黃白唾之稀稠從可知也治嗽大抵肺氣為風邪所客以發散取之肺脈實為氣壅內熱以清

脉濡散為肺虛以補肺安之其間久嗽之人曾經在以
致肺胃俱寒飲食不進則用溫中助胃加和平治嗽之藥
至若酒色過度虛勞少血津液內耗心火自炎遂使燥熱
乘肺咯唾膿血上氣涎潮其嗽連續而不已唯夫血不榮
肌故邪在皮毛皆能入肺而自肯得之尤速此則人參膏
歸所不可無一種傳注病涉邪惡五臟反尅毒害尤盛逆
世率用蛤蚧桃柳枝丹砂雄黃安息香蘇合香丸通神之
劑然則咳嗽症治於此可以問津索途矣抑猶有說焉肺
出氣也腎納氣也肺為氣之主腎為氣之本凡咳嗽暴重
動引百骸自覺氣從臍下逆奔而上者此腎虛不能收氣
歸元也當以安腎丸毋從事於甯肺

咳嗽當辨外感內傷外感其來暴內傷其來徐由漸而甚外
感咳嗽則聲或而濁日夜無度陰虛勞嗽則聲怯而稿或